

*Ecclesia uniuersa, id est verum, et sanctum est. Eam igitur inficiari erit erroneum. Eam autem propositionem uocō doctrinæ Catholicæ, quam Ecclesia Catholica nullo non tempore usu recepit, Sanctique Patres, quibuscumque scribendi occasio fuit, deque illa iudicium promendi suum, magno consensu tradiderunt; quamquam de illa expressa non sit aut Pontificis Maximi, aut Œcumenicæ Synodi definitio; ideoque non sit articulus fidei. Nunc ad rem propius accedamus. Id esse verum, & sanctum, quod omnis Ecclesia ueneratur, est ita tritum sermone ipsius Ecclesiæ, ut in adagium prorsus abierit; & qui uoluerit ejus dicti rationem efflagitare (quamquam & obuia, & ineluctabilis est) is lucem quarere in meridiano sole uideatur. Tum Sancti omnes, qui in ejus rei mentionem incidere, uno ore asseuerarunt, non celebrari ab Ecclesia festum, nisi de Sancto: quod Ecclesiæ auctoritate colitur, Sanctum esse. D. Augustinus in sermone 113., qui est de S. Cypriano, de eo inquit: Quid est hoc, fratres? Quando natus sit, ignoramus, & quia hodie passus est, natalem ejus hodie celebramus; sed illam non celebraremus, etiamsi nossemus: illo enim die traxit originale peccatum; isto autem die uicit omne peccatum. Et sermone 95. in festo S. Stephani, originale peccatum ob stare dicit, quominus Martyrum natales dies celebrentur; cum tamen Ecclesia illorum obitus colere soleat: Martyres, inquit, ad mala certamina nascendo uenerunt trahentes originale peccatum; moriendo autem ad bona certamina transferunt, finiētes omne peccatum. Huc respexit Origenes, cum ait libro 3. in Job: Mortis diem celebramus, utpote omnium dolorum depositionem: diem mortis celebramus, quia non moriuntur hi, qui mori uidentur: propterea & memorias Sanctorum facimus. S. Ildephontius in libro de Parturitione Virginis: Quia ejus, inquit, idest Mariæ, Natiuitas tam solemniter colitur, constat ex auctoritate Ecclesiæ, quod nullis, quando nata est, subjacuit delictis. S. Bernardus Epistola illa 174. Quia ortum Virginis didici in Ecclesia indubitanter haberi festum, firmissime*